

彰所知論序

通九

元正奉大夫同知行宣政院事廉役譏

夫出三界者惟佛佛以大事因緣故出現於世憫化群生此亘古不磨之善也大元帝師洞徹三乘性行如春仁而穆穆不可量裕皇

譯此論見傳於世公昔與予會閩交情相照愛同昆仲公固肯予爲序予抗塵幻海絕筆踈硯豈足發正教之光耶公笑之曰汝何謙哉予不敢辭遂序焉

彰所知論卷上

元帝師登合思巴造

宣授江淮福建等處釋教總統達彌訥彌智大師沙羅巴譏

篤施靜志弘揚帝緒大播宗風彰其所知造其所論究其文理推其法義皎如日月廣於天地蓋如來之事非聖者孰能明之總統雪巖翁英姿間世聽授過人久侍師之法席默

敬禮金剛上師

敬禮諸佛菩薩

徧知見所知憐憫示群生敬禮最上智  
當演彰所知謂器情世界道法與果法  
并諸無爲法略攝列爲五

器世界品第一

謂器世界所成之體即四大種種具生故地  
堅水濕火暖風動是等大種最極微細者曰  
極微塵亦名隣虛塵不能具釋彼七隣虛爲  
一極微彼七極微爲一微塵彼七微塵爲一  
透金塵彼七透金塵爲一透水塵彼七透水  
塵爲一兔毛塵彼七兔毛塵爲一毛塵彼

七羊毛塵爲一牛毛塵彼七牛毛塵爲一遊  
隙塵彼七遊隙塵爲一蟻量彼七蟻量爲一  
蟲量彼七蟲量爲一麥量彼七麥量爲一指  
節三節爲一指二十四指橫布爲一肘量四  
肘爲一弓五百弓量成一俱盧舍八俱盧舍  
成一由旬此是度量世界身相成世界因由  
通九  
一切有情共業所感云何成耶從空界中十  
方風起互相衝擊堅密不動爲妙風輪其色  
青白極大堅實深十六洛又由旬廣量無數  
由暖生雲名曰金藏降澍大雨依風而住謂

之底海深十一洛又二萬由旬廣十二洛又三千四百半由旬其水搏擊上結成金如熟乳停上凝成膜即金地輪故水輪滅唯厚八洛又餘轉成金厚三洛又二萬由旬金輪廣量與水輪等周圍即成三倍合三十六洛又一萬三百五十由旬其前風輪婆娑界底地水二輪四洲界底於地輪上復澍大雨即成大海被風鑽擊精妙品聚成妙高山中品聚集成七金山下品聚集輪圍山雜品聚集成四洲等其妙高體東銀南琉璃西玻瓈珂

北金所成餘七唯金四洲地等雜品所成彼輪圍山唯鐵所成其妙高量入水八萬綸繕那比於餘山皆悉高妙名曰妙高然後次第七金山者一踰乾陁羅山高四萬由旬二伊沙陁羅山高二萬由旬三併得羅柯山高一萬由旬四修騰婆羅山高五千由旬五阿輸割那山高二千五百由旬六毗泥怛迦那山高千二百五十由旬七居民陁羅山高六百二十五由旬藏論疏云一持雙山二持軸山三捨木山四善見山五馬耳山六象鼻山七魚精山四大洲外有輪圍山高三百一十

二由旬半彼等廣量各各自與出水量同七  
金山間諸龍王等游戲之處名曰戲海八山  
間七海近妙高者一踰乾陀羅海廣八萬由  
旬二伊沙陀羅海廣四萬由旬三佢得羅柯  
海廣二萬由旬四修騰婆羅海廣一萬由旬  
五阿輸割那海廣五千由旬六毗尼怛迦那  
海廣二千五百由旬七尼民陀羅海一千二  
百五十由旬盈八功德水八山七海其相咸  
方外海味鹹尼民陀羅至輪圍山二山相去  
三洛又二萬二千由旬其外海水雖無有分

由妙高色東海色白南海色青西海色紅北  
海色黃現是等色故稱四海是彼周邊三十  
六洛叉七百五十由旬外輪圍山周圍三十  
六洛叉二千六百二十五由旬其外海南瞻  
部洲者狀若車廂狹向鐵圍三由旬半餘三  
邊者各二千由旬周圍六千三由旬半有二  
中洲東遮摩羅此云猶牛西婆羅摩羅此云勝贍  
部中央摩竭陀國三世諸佛所生之處次此  
向北度九黑山有大雪山名具吉祥其山北  
邊有香醉山是二山間有大龍王名曰無熱

所居之池曰阿耨達<sub>無熱云</sub>其狀四方面各五十由旬周圍二百由旬池內徧滿八功德水從此池內出四大河東碗伽河從象口中流出銀沙共五百河流歸東海南辛渡河從牛口中流出琉璃沙共五百河流歸南海西縛芻河從馬口中流出玻瓈珂沙共五百河流歸西海北悉怛河從獅子口流出金沙共五百河流歸北海是彼四河從無熱池右遶七百河流隨方而流是香山北度二十由旬彼處有巖名難陀巖面各五十由旬周圍二百由旬

高三由旬半又有八千小巖其巖北邊度二十由旬有娑羅樹王名曰善住其根入地四十弓量高八十弓量七重行樹羅列圍遶東邊度二十由旬有緩流池其狀圓相廣五十由旬周圍一百五十由旬又有八千小池盈八功德水內有蓮華葉若牛皮其莖如軸華若車輪味美如蜜是處又有帝釋臨戰所乘象王名曰善住與八千象寒四月時住金巖所熱四月時住善住所雨四月時住緩流池無熱池側有瞻部樹果實味美其量如甕熟

時墮水出贍部音龍化爲魚吞噉是果殘者  
遇流成贍部金由此樹名故號贍部此洲向  
西有烏佃國大金剛宮持種所居金剛乘法  
從彼而傳南海之中山曰持船觀音菩薩居  
止其頂聖多羅母居止山下東有五峯文殊  
五菩薩居止其上有十六大國千數小國又有  
菩薩居止其上有十六大國千數小國又有  
三百六十種人有七百二十種異音其外海  
東洲曰勝身狀若半月對妙高邊三百五十  
由旬餘邊六十由旬周圍六千三百五十由  
旬其洲二邊有二中洲北提訶<sub>此云</sub>南毗提

訶<sub>此云</sub>勝身是彼三洲越餘洲等七多羅樹或曰  
洲人相貌端嚴其身勝故名曰勝身其外海  
北洲曰鳩婁其狀四角叟方相似邊各二千  
由旬周圍八千由旬其洲二邊有二中洲一  
名鳩婁<sub>此云</sub>勝邊<sub>此云</sub>有二高羅婆<sub>此云</sub>勝邊<sub>此云</sub>有彼洲人等所  
有受用出如意樹臨殺<sub>此云</sub>七日其如意樹出不  
美音報曰當七日死或曰洲人卑舌即割食  
肉鬼音故曰鳩婁是不美音其外海西洲曰  
牛貨形如滿月徑二千五百由旬周圍七千  
五百由旬有二中洲南舍撈<sub>此云</sub>具諦北嘔怛羅

此上

曼怛哩拏此上彼洲人等多寶牛貨故曰牛  
貨洲海山等向下皆悉八萬由旬近金地故  
近瞻部洲星割棘洲金洲月洲等者係瞻部  
洲餘大洲等小洲亦爾次上空中四萬由旬  
純淨無礙勝堅風輪從右而旋日月星宿空  
居天等依止而住 日輪者火珠所成徑五  
十一由旬周圍百五十三由旬厚六由旬零  
十八分上有金緣其上復有金銀琉璃玻璃  
珂等秀成四角月天子等所居宮殿是彼  
日月相去遠近自影增減由增一分即生上  
半十五分畢謂曰圓滿由減一分即生下半  
自影覆彼十五分畢曰不圓滿由增減故名  
曰宿空由一晝夜名曰宿地如是三十名曰  
行一晝一夜遶四大洲日行向北時日即長

彰所知論

第一二六冊

南行時短行南北間時晝夜停由遊處光即  
有寒暑為冬夏際北行六月南行六月行至  
中道曰日月迴星輪歷遍謂曰一歲 月輪  
者水珠所成徑五十由旬周圍百五十由旬  
厚六由旬零十八分其上復有金銀琉璃玻  
璃珂等秀成四角月天子等所居宮殿是彼  
通九日月相去遠近自影增減由增一分即生上  
半十五分畢謂曰圓滿由減一分即生下半  
自影覆彼十五分畢曰不圓滿由增減故名  
曰宿空由一晝夜名曰宿地如是三十名曰

一月 諸星宿者空居天宮諸寶所成其狀皆圓小一牛吼中三牛吼大六牛吼周圍三百倍係四王衆其妙高山有四層級始從水際向上相去十千由旬即初層級從妙高山傍出十六千由旬向上相去一萬由旬即二層級傍出八千由旬向上相去一萬由旬即三層級傍出四千由旬向上相去一萬由旬即四層級傍出三千由旬彼妙高山其頂四角各秀一峯高四由旬半廣百二十五由旬周圍五百由旬有藥叉神於中止住是山頂上

三十三天中央城曰善見純金所成高一由旬半面各二千五百由旬周萬由旬其城體金俱用百一雜寶嚴飾其地柔軟如兜羅綿是城四面有一萬六千寶柱寶檣寶椽寶簷四面四門又有千數關一小門四大衢道有諸小衢其四門側五百天子皆服堅鎧守護是門城中有帝釋殿曰最勝處亦曰殊勝殿其狀四方高四百由旬半面各二百五十由旬周千由旬百一却敵一一却敵各有七樓一一寶樓各七小樓一一小樓各七池沼一

通九

一池沼各七蓮華一一華上各有七數童男童女奏種種樂歌舞歡娛善見城東有諸所乘曰衆車苑高千由旬南臨戰處曰麤惡苑西諸行處曰相雜苑北游戲處曰歡喜苑縱廣同前其苑等外度二十由旬有善地曰衆車麤惡相雜歡喜量同四苑善見東北有如意樹名波利闍多亦名圓生樹根深五十由旬高百由旬枝條傍布五十由旬能施欲樂下有盤石曰阿嚙<sub>二</sub>摩麗歌色白如璧面各五十由旬周二百由旬善見西南諸天集處

名善法堂周九百由旬其狀圓相是堂中央有帝釋座純金所成其座周圍有三十二輔臣之座咸皆布列三十三天向上度八萬由旬於空界中依風而住諸寶所成離諍天宮量若妙高山頂二倍上度一億六萬由旬於空界中依風而住諸寶所成兜率天宮量如離諍縱廣二倍上度三洛又二萬由旬於空界中依風而住諸寶所成化樂天宮量如兜率縱廣二倍上度六洛又四萬由旬於空界中依風而住諸寶所成他化自在天宮量同

化樂縱廣二倍此即欲界上有初禪如是四洲七山妙高輪圍欲界六天并初禪等謂四

洲界一數至千為小千界一小鐵圍山圍遶

此小千界一數至千為中千界一中鐵圍山圍遶此中千界一數至千為三千大千世界

一大鐵圍山圍遶如是有百億數四洲界等  
通九  
皆悉行布鐵圍山等諸洲山間黑暗之處無有晝夜舉手無見初禪天量等四洲界二禪天量等小千界三禪天量等中千界四禪天量等三千大千世界其相去量皆倍增謂

曰色界無色界者無別處所若有生者何處命終即彼生處住無色定故曰無色

情世界品第二

謂情世界總有六種一者地獄二者餓鬼三者傍生四者人五者非天六者天此等六種名義云何謂斫壞肢體故曰地獄飢渴所逼故曰餓鬼傍覆而行故曰傍生意多分別故名曰人摩菴沙義身及受用雖與天同微分鄙劣或由無酒故曰非天阿修羅義從梵身生遊戲娛樂或應供養故謂曰天是提婆義

地獄者贍部洲下過二萬由旬曠廓四方二萬由旬純鐵所成火焰洞然有八熱獄一曰更活二曰黑繩三曰衆合四曰號呌五曰大號呌六曰炎熱七曰大炎熱八曰無間更活獄者生彼有情先業所感執衆器仗互起冤憎遞相斫害段段墮落悶絕暫死空音更活彼等有情即便更活復相斫害彼壽量者四天王天一生之期爲一晝夜如是算數壽五百歲受是苦楚黑繩獄者其獄卒等於有情身從頂至足拚界黑繩以火鋸鍼解斫

肢體由先業力解下上生彼壽量者忉利天一生之期爲一晝夜如是算數壽一千歲受是苦楚衆合獄者生彼有情以鐵錐打或二鐵山猶如羊頭二山相合研磕摧壞二山開時復自然活又被摧壞彼壽量者離諍天一生之期爲一晝夜如是算數壽二千歲受是苦楚號呌獄者生彼有情怖熱鐵池入稠林中火焰熾盛永歲焚燒由先業力其舌縱廣千由旬量有一大牛鐵角鐵甲架鐵犁鏟火焰熾盛耕犁其舌彼壽量者燒率天一

生之期爲一晝夜如是筭數壽四千歲受是苦楚 大號叫獄者亦與前同其苦倍增彼壽量者化樂天一生之期爲一晝夜如是筭教壽八千歲受是苦楚 炎熱獄者三重鐵城火焰洞徹內受苦楚彼壽量者他化自在天一生之期爲一晝夜如是壽數萬六十歲受是苦楚 極炎熱獄者亦同其前其苦倍增彼壽量者等半中劫受是苦楚 無間獄者於鐵室內身一聚焰受極苦楚彼壽量者等一中劫 十六增獄者八熱獄傍面各四

所一塘熑增深皆沒膝有情遊彼纔下足時皮肉與血俱燃爛墮餘剩其骨舉足還生平復如本 二屍糞增不淨淤泥沒有情腰於中多有攘矩吒蟲觜利如針鑽皮透骨叩食其髓 三峯刃增復有三種一刀刃路謂於此中仰布刀刃以爲大道有情游彼纔下足時皮肉與血俱斷碎墜舉足還生平復如本道光<sup>+</sup>二劍葉林謂此林樹純以鋸利劍刀爲葉有情遊彼風吹葉墜斬刺肢體骨肉零落有烏駭狗齶掣食之三鐵刺林名鋸摩利謂此林

樹有利鐵刺長十六指有情被逼上下樹時  
其刺銛利上下鎌刺是等有情血肉皮等掛  
染刺上唯剩筋骨有鐵觜鳥探啄有情眼睛  
腦髓爭競而食刀刃路等三種雖殊而鐵仗  
同故一增攝 四烈河增名曰無渡徧滿極  
熱烈灰汁水有情入中或浮或沒或逆或順  
或橫或豎被蒸被煮骨肉糜爛如大鑊中滿  
成灰汁置稻米等猛火下然米等於中上下  
廻轉舉體糜爛有情亦然設欲逃避於兩岸  
上有諸獄卒手執刀槍禦捍令廻無由得出

此河如塹前三似苑彼等名曰近邊地獄八  
寒獄者一曰水庖二曰庖裂三阿叱叱四阿  
波波五嘔喉喉六裂如鑿鉢羅花此云青蓮花七  
裂如蓮花八裂如大蓮花 水庖獄者生寒  
冰間極甚嚴寒隨身生庖曰水庖獄彼壽量  
者摩伽陀國所有大斛八十斛麻百年除一  
通九若芝麻盡彼壽亦爾 庖裂獄者由極嚴寒  
其庖而裂黃水漏流彼壽量者倍前二十阿  
叱叱獄者由大嚴寒咬齒忍耐彼壽量者倍  
前二十 阿波波獄者忍寒音聲彼壽量者

倍前二十 嘔喉喉獄者由寒號泣出是苦聲彼壽量者倍前二十 裂如鬱鉢羅花獄者嚴寒身裂如鬱鉢羅花葉彼壽量者倍前二十 裂如蓮花獄者嚴寒身裂如蓮花開彼壽量者倍前二十 裂如大蓮花獄者身裂越前如大蓮花開敷多葉彼壽量者倍前二十 孤獨獄者在瞻部提曠野山間一晝一夜受苦受樂相雜受故八熱地獄八寒地獄近邊孤獨如是名爲十八地獄 餓鬼者王舍城下過五百由旬有餓鬼城名曰黃白

亦云慘淡彼鬼王曰閻羅法王共三十六眷屬等居其類有四一者外障二者內障三者飲食障四者障飲食 一外障者飲食音聲亦不得聞 二內障者獲微飲食口若針竅不能得入設能入口咽如馬尾無能得過設若過咽腹若山廓不能飽滿雖滿腹中脰如草莖無能舉動受此大苦 三飲食障者見飲食時無量獄卒執諸器仗守禦無獲四障飲食者飲食時由業所感鐵丸銅汁瀉置口中從下流出如是四種皆是餓鬼彼壽

量者人間一月爲一晝夜如是算數壽五百歲即當人間一萬五千歲或居人間寒林等處食血肉等皆餓鬼類通九三傍生者多居河海亦如酒糟混漫而住以大食小以小食大互相驚怖由海波濤住所不定或處人天彼壽量者長如龍王壽半中劫短如蟻等壽一剎那身量無定十二四人者住四大洲八中洲等及諸小洲彼壽量者如贍部洲人初成劫時其壽無量次後漸減今六十歲次後漸減至十歲間復次漸增無有定量北鳩婁人定

壽千歲東勝身人壽五百歲西牛貨人壽二百五十歲除北鳩婁餘有天橫彼等受用北鳩婁洲食自然稻衣服瓔珞出如意樹餘三洲者食穀肉等資寶受用彼等身量贍部提人肘量八肘西牛貨人身十六肘北鳩婁人三十二肘人等面相亦如洲狀其小洲人亦如大洲身各減半故如是說五非天者妙高水際下過一萬一千由旬山曠廓間光明城內阿修羅王曰羅睺羅掘腦云衆眷屬居又過一萬一千由旬星鬘城內阿修羅王名曰

項鬱衆眷屬居又過一萬一千由旬堅牢城  
內阿修羅王名曰妙鎮又曰大力衆眷屬居  
又過一萬一千由旬甚深城內阿修羅王名  
曰毗摩質多羅此云緣種身種通九  
衆眷屬居常共帝釋比對鬪諍城曰具金殿名奏樂如意樹  
王名即怛鉢栗聚集之處名曰賢財石名善  
賢苑名普喜妙喜最喜甚喜善地亦名普喜  
妙喜最喜甚喜臨戰所乘象名無能敵遊戲  
所乘象名壘雪馬曰峭膀是等非天共三十  
三天諱須陁味及修羅女爲戰諍故從山廓

出身服金銀瑠璃玻璃珂等堅固鎧甲手執  
劔槊標槍弓箭領四部軍彼阿修羅王羅睺  
羅項鬱妙鎮毗摩質多羅等或前三來或四  
皆來是時帝釋五守護衆一住戲海願樂白  
法龍王等衆與非天軍鬪戰令廻龍若不勝  
去堅首所共二守護復與修羅鬪戰又若不  
勝去持鬱所共三守護復與鬪戰又若不勝  
去恒惱所共四守護復與鬪戰又若不勝去  
四王所共五守護復與鬪戰四大天王率四  
軍衆服寶堅鎧執諸戈仗鬪戰多分四天王

勝若不能却去忉利天前白帝釋曰我等守護不能廻彼阿修羅衆王應却敵如是而已天主帝釋乘善住象告三十三天衆等曰汝等應知今修羅軍至妙高頂當服堅鎧取所乘車與修羅戰說是語已彼諸天子各服寶鎧執持戈仗去衆車死取所乘車入麤惡苑轉身心惡出善見城共彼修羅相敵鬪戰若修羅勝侵至城內若天得勝逐修羅軍至第一海鬪戰之時天與非天斷其頸腰彼等即死手足若斷復生如本若薄伽梵辟支佛轉

輪聖王住世間時諸阿修羅不起諍心設若相持諸天必勝世間善增天衆亦勝世不善增阿修羅勝是故諸天護持善事 天者欲界六天色界十七無色界四欲界六天者蘇迷盧山第一層級堅首衆居第二層級持鬘衆居第三層級恒憍衆居持雙山上北方有城名阿那迦囉帝多闡天王藥叉衆居如是東方城名賢上有大天王名曰持國乾闥衆居西方有城名曰衆色有大天王名曰廣目龍神衆居南方有城名曰增長有大天王名

曰增長焰鬘衆居餘四層級七金山等日月星宿鐵圍輪山瞻部洲山多羅樹所四王部衆亦住止住咸屬四王是謂一部彼壽量者人五十歲爲一晝夜如是壽量經五百年若其身量一俱盧舍四分之一三十三天妙高頂上天主帝釋住最勝處共非天女名曰妙安同衆天女受諸欲樂無有厭足復有臨戰所乘象王名曰善住遊戲苑中所乘象王名曰鵠羅伐拏此云持二象周圍各七由旬各以八千小象衆居又有馬王名迅疾風與八

千馬居天主輔臣數三十二是故名曰三十三天諸天子等耽五欲樂若放逸時有大天鼓鼓聲出音警諸天曰諸行無常有漏皆苦諸法無我寂滅爲樂與修羅軍鬪戰之時出除苦音警曰天願得勝願修羅敗宮殿城池樹葉石等如前所辨彼天壽量人間百歲爲一晝夜如是算數壽一千歲其天身量半踰通九十五闍那焰摩天者三十三天共非天諱此離諱故名離諱天彼天壽量人二百歲爲一晝夜如是算數壽二千歲其天身量二踰闍那

兜率陀天者有慈氏尊紹世出世法王之位受大法樂謂曰兜率是俱樂義人間四百年彼天一晝夜壽四千歲身量四踰闍那化樂天者自化受用謂曰化樂人間八百年彼天一晝夜壽八千歲身量八踰闍那他化自在天者受用他化謂曰他化自在彼中天王威德自在即是魔主人間千六百年彼天一晝夜壽量萬六千歲身量十六踰闍那下從無間至他化自在天謂之欲界耽着欲樂所食段食故如是說 色界一十七天者四

靜慮攝 初禪三天者謂梵衆梵輔大梵彼天壽量梵衆半劫梵輔一劫大梵一劫半彼天身量次第半由旬一由旬一由旬半二禪三天者謂少光無量光極光彼天壽量少光二劫以上四天四十中劫爲一大劫無量以下諸天八十中劫爲一大劫無量三禪三天者少光四劫極光八劫彼天身量少光二由旬無量光四由旬極光八由旬 三禪三天者少善無量善廣善彼天壽量少善一十六劫無量善三十二劫廣善六十四劫彼天身量少善十六由旬無量善三十二由旬廣善六十

四由旬 四禪八天者無雲福生廣果三 是  
凡居無煩無熱善現善見色究竟五是聖居  
名曰五淨居彼天壽量無雲百二十五劫福  
生二百五十劫廣果五百劫無煩一千劫無  
熱二千劫善現四千劫善見八千劫色究竟  
通九十六  
一萬六千劫彼天身量無雲一百二十五由  
旬福生二百五十由旬廣果五百由旬無煩  
一千由旬無熱二千由旬善現四千由旬善  
見八千由旬色究竟一萬六千由旬始從梵  
衆至色究竟皆名色界出離欲樂非離色故

故名色界 無色界四天者無有身色亦無  
處所從定分四空無邊處識無邊處無所有  
處非想非非想處彼天壽量空無邊處二萬  
大劫壽量識無邊處四萬大劫無所有處六  
萬大劫非想非非想處八萬大劫彼等四處  
謂無色界非離定色出離麤色故名無色彼  
等壽量謂歲劫時其量云何時最少者名爲  
剎那百二十剎那爲一怛剎那六十怛剎那  
爲一羅婆三十羅婆爲一年休多此云須臾三十  
年休多爲一晝夜三十晝夜即爲一月十二

箇月即是一年劫有六種一中劫二成

別劫或名劫

劫三住劫四壞劫五空劫六大劫一中劫者

或贍部人從無量歲漸漸減至八萬歲時即

成劫攝從八萬歲減至十歲謂中劫初復增

通九八萬歲減至十歲爲一輶轤如是增減十八

十七數者爲十八中劫然後十歲至八萬歲中劫

後際前後中間十八輶轤爲二十中劫二

成劫者始從風輪至無間獄生一有情器世

界成經一中劫如前已說情世界者此三

千界火壞後成從極光天天人命終生大梵

處孤生疲倦嗚呼若有同分生此界者有何不可發如是心雖非念力極光天人有命終者即生彼處先生之心而作是念由我貪生故世咸稱人祖大梵如次梵輔梵衆他化自在乃至四王次第而生北鳩婬洲西牛貨洲

東勝身洲南贍部洲次第而生時贍部洲人壽無量歲飲食喜樂有色意成身帶光明騰

空自在如色界天有如是類地味漸生其味甘美色白如蜜其香馥郁時有一人稟性耽味艷香起愛取嚙便食亦告餘人隨學取食

食段食故身光隱沒由衆業感日月便出照耀四洲次地味隱復生地餅其味甘美色紅如蜜競飪食之地餅復隱次林藤生競飪食故林藤復隱有非耕種自然稻生衆共取食此食麤故即餘滓穢根道俱出爾時諸人隨食早晚取香稻食後時有人稟性懶惰長取香稻儲宿爲食餘亦隨學香稻隱沒隨共分田慮防遠盡於已分田生惄護心於他分田有懷侵奪故生爭競是時衆人議一有德封分田主衆所許故謂曰大三末多王此云衆所許

王多有子相續紹王嫡子號曰光妙彼子善帝彼子最善彼子靜齋是等謂曰成劫五王靜齋王子名曰頂生彼子妙帝彼子近妙彼子具妙彼子嚴妙是等謂曰五轉輪王嚴妙王子名曰捨帝彼子捨雙彼子捨固尼彼子固室彼子善見彼子大善見彼子除礙彼子金色彼子具分彼子離惡彼子妙高彼子定行彼子甚吼音彼子大甚吼音彼子能安彼子方主彼子賢塵彼子能廣彼子大天此王種族五千相承其最後子七千相承曰阿思

摩迦王最後子八千相承曰鳩婁王其最後子曰具頭王有九千王其最後子名曰龍音有一萬王其最後子怛彌留怛一萬五千其最後子名瞿曇氏此即甘蔗裔彼子相承甘蔗王種一千一百數其最後子甘蔗種王名曰增長即摩訶王有四子一名面光二名象食三名調伏象四名嚴鍔稱釋迦氏嚴鍔有子名曰嚴鍔足彼子致所彼子牛居彼子師子頰王有四子一名淨飯二名白飯三名斛飯四名甘露飯淨飯王子即婆伽梵次名難

陁白飯王二子一名帝沙調二名難提迦斛飯王二子一名阿尼婁駄一名跋提梨迦甘露飯王二子一名阿難一名提婆達多婆伽梵子名羅睺羅釋迦種族至斯終矣 又別種王依法興教如來滅度後二百年中印土國有王名曰無憂法王於瞻部提王即多分中結集時而爲施主興隆佛教後三百年瞻部西北方有王名曰割尼戶割三結集時而爲施主廣興佛教梵天竺國迦濕彌羅國勒國龜茲音丘涅巴辣國震旦國大理國西夏

國等諸法王衆各於本國興隆佛法如來滅度後千餘年西番國中初有王曰呀乞嚙贊普二十六代有王名曰捨陀朵嚙思顏贊是時佛教始至後第五代有王名曰雙贊思甘普時班彌達名阿達施譯主名曰端美三波羅翻譯教法修建捨薩等處精舍流傳教法後第五代有王名曰乞嚙雙提贊是王名請善海大師蓮華生上師迦摩羅什羅班彌達衆成就人等共毗盧遮那羅佛建及康龍尊護等七人翻譯教法餘班彌達共諸譯主廣

翻教法三種禁戒興流在國後第三代有王名曰乞嚙侏巴瞻是王界廣時有積那彌多弁濕連怛羅菩提班彌達等共思割幹吉祥積酌羅龍幢等已翻校勘未翻而翻廣興教法西番王種至今有在班彌達等翻譯譯主善知識衆廣多有故教法由興北蒙古國先福果熟生王名曰成吉思汗始成吉思從比方王多音國如鐵輪王彼子名曰幹果戴時稱可罕紹帝王位疆界益前有子名曰古偉紹帝王位成吉思皇帝次子名朵羅朵羅長

子名曰蒙哥亦紹王位王弟名曰忽必烈紹

帝王位降諸國土疆界豐廣歸佛教法依法

化民佛教倍前光明熾盛帝有三子長曰真

選九

三十

金豐足如天法寶莊嚴二曰庵各刺三曰納

麻賀各具本德係嗣亦爾茲是始從釋迦王

選九

三十

種至今王種

彰所知論卷上

永樂北藏

彰所知論

音釋

蠟

舉立

鑽

穿也

皆

擗

切

桴

芳無

切

桴

屋棟也

菟

奴

劍

烏

游

依

劍

劍

劍

劍

鍊

鍊也

鑽

也

鑽

也

鑽

也

鑽

也

鑽

也

鑽

也

鑽

也

鑽

也

鑽

也

鑽

也

槃

所角矛屬

槃

輪音鹿轉木也

槃

盤音鹿轉木也

槃

永樂北藏

彰所知論

第一二六冊